

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumato-graphia Naturalis

Jonston, Jan

Amstelodami, 1661

Caput VIII

urn:nbn:de:bsz:31-97032

piti infirmi supplicum, somnum illi conciliat; rasum cum melle ventris fluxum sistit; adustum lethargicos excitat. In *Egypto* quinos fetus parere dicuntur. In causa est Nili aqua, quæ sterilibus & inopibus lactis propinatur. Syrii revolutionem indicant. Nam quoties cum Sole oritur, in ortum conversæ respiciunt. *Plutarch.* In *Africa* parte tonfules sunt, & ex villis earum fiunt rudentes: pluvias præsentunt Lybicæ. Nam ut extra Caprile processerunt, concitato cursu ad passionem accedunt, mox ad stabulum convertuntur. *Alian.* Gymantæ sex non bibunt mensibus, sed mare intuentes, ore hiantes auras excipiunt, inde levatur sitis. Mambriya fert equitantes, sellam & frenum admittit; ad terram illi auriculæ demissæ, cornua revoluta sub ore: *Gesn. l. 1. Quadrup.* Sylvestres in *Lybia* boum commemorantur magnitudine, tam agiles, ut in distantissima saliant cacumina, tanta membrorum duritie, ut nec frangant cornua, nec caput diminuant delapsæ. *Alian. l. 14. c. 16.*

CAPUT VIII.
DE CASTORE & COLO.

Morsu potentissimum *Castor* animal est, non prius concursum laxat dentium, quam ossa concrevisse audiverit. *Plin.* Anseris illi posteriores pedes, simiæ priores. Squammoso corio præpinguis tegitur cauda, gubernaculi vice pisces cum persequitur. Noctu prodit ex latibulis, & amputatis arborum ramis circa fluvios, casâs cum superiore tabulato construit, in his crescente aqua habitat. *Albert.* Resecti, maxime placent, uni resupinato inter crura deponuntur. Comprimunt hic ne dilabantur, cauda ad casâstrahunt reliqui. *Colus* quadrupes fera, est apud *Scythas* & *Sarmatas*, magnitudine inter cervum & arietem. Albicat corpore, cursu valet. Naribus potum ad caput trahit, per aliquot dies retinet, adeo ut percaentes aquis agros pabulum facile carpat. *Strab. l. 7.*
Obam.

Obambulant quingenti interdum, ac circa festum Paschatis duo millia simul conspiciuntur. Effodiunt in Martio herbam, hujus odore suam excitant Venetem. ista exhausta resolutis nervis per diei spacium semi-mortui jacent, gustata alia sibi restituuntur. *Gesn.*

CAPUT IX.

DE CATO & CUNICULO.

Cato oculi tam acuti, ut nec in tenebris quicquam fugiat. *Alb.* Felis vero Aegyptii maris, ad Solis rationem, variari pupillas, observatum est. Longæ fiunt in ortu, rotundæ meridie, declivum Sol cum spectat, obscurantur. *Gellius.* Supinus plerumque ludit, undique ut circumspiciat. Absciisis auriculis domi detinetur facilius. Guttas enim, auriculis apertis illabentes, sustinere non potest. Pilus ejus in os hominis si incidit, inhæret. Hinc aggesta materia strumæ ortum acquirunt. In Malabar provincia, inquit *Scaliger*, feles sunt agrestes in arboribus agitantes; de earum celeritate proditum est, saltu potius valere: peculiari vero volatus, idque quod magis mirum est, sine aliis. Membranam ab anterioribus pedibus ad posteriores usque productam tendi; quam dum quiescunt, ad alvum contrahunt. Vbi volare institunt, pedum crurumque agitatione, protenta collectaque membrana, tum sustinentur, tum feruntur, mirabilisque est earum tanquam per aërem currentium species. Cuniculi in Balearibus abundant, inde segeti & campis noxa. *Solin.* Omni mense parient. nec cæcos, statim à partu implentur, ubera quamvis siccante fœtu. *Plin. l. 10.* Lac statim à partu fœmina non habet, priusquam per sex horas cum mare fuerit, avenæ deinde exceperit grana. *Gesn. de Quadrup.* In nova Albione talpas pedibus, caudâ glires referunt, habentq; ab utroque latere sacculum in quem postquam saturati fuerint, reliquias recondunt. *Lacinius l. 6. Amer. c. 20.*